


Putera di-Raja dan Perdana Menteri



oleh Harry Miller

PERDANA
LEADERSHIP
FOUNDATION
YAYASAN
KEPIMPINAN
PERDANA



PERDANA
LEADERSHIP
FOUNDATION
YAYASAN
KEPIMPINAN
PERDANA



PERDANA
LEADERSHIP
FOUNDATION
YAYASAN
KEPIMPINAN
PERDANA



PERDANA
LEADERSHIP
FOUNDATION
YAYASAN
KEPIMPINAN
PERDANA

Putera di-Raja dan Perdana Menteri

*Perjuangan hidup
Tengku Abdul Rahman Putera
Perdana Menteri
Persekutuan Tanah Melayu*



Oleh **HARRY MILLER** Di-Melayukan oleh **MUSTAFA SUHAIMI**

PUSTAKA PERDANA



1006731



PERDANA
LEADERSHIP
FOUNDATION
YAYASAN
KEPIMPINAN
PERDANA



LAFAZ TAHNI'AH



Saudara Harry Miller ia-lah sa-orang wartawan yang terkenal di-Malaya kerana dalam melaksanakan tugas-nya beliau sentiasa berpandukan kenyataan yang benar. Buku persembahan-nya ini mengandong riwayat hidup saya yang dapat di-kumpulkan-nya sedikit2 barkat, kegiatan-nya mengadakan pertemuan2 dengan beberapa orang sahabat dan kenalan saya, serta dengan saya sendiri sedangkan usaha-nya ini telah mengambil masa yang bukan sedikit.

Saya telah menyemak kandungan buku ini bersama2-nya, dan saya akui ini-lah cerita dari hal diri saya yang tepat. Apa yang termaktub di-dalam buku ini ada-lah hasil kegiatan saudara Miller dalam membongkar segala kenyataan yang benar menurut pertimbangan-nya.

Dalam pada itu, saya suka menegaskan di-sini bahawa sa-barang kenyataan yang berupa buah fikiran dan pendapat persaorangan di-dalam buku ini ada-lah hasil fikiran beliau sendiri.

Besar-lah harapan saya bahawa cerita yang di-lukiskan ini akan merupakan satu cahaya yang menerangkan lubok hati orang2 yang maseh belum memahami hakikat kebangkitan ra'ayat Malaya dan perjuangan mereka untuk menchapai kemerdekaan-nya, untuk hidup di-dalam udara bebas sa-bagai lain2 bangsa yang merdeka.

Sa-sunggoh-nya dengan kehendak Tuhan-lah saya telah di-pilih menjadi Perdana Menteri yang pertama negara Persekutuan Tanah Melayu yang merdeka. Tidak ada cita2 yang lebeh besar dalam hidup saya daripada menyerahkan bakti kepada ra'ayat Malaya, khusus-nya untuk kebajikan bangsa saya sendiri, ia-itu orang2 Melayu. Sa-kira-nya saya di-anggap telah berjaya, walau sedikit jua pun, dalam



melaksanakan chita2 itu, saya bershukor ka-hadhrat Tuhan oleh kerana dengan hidayat-nya dapat saya memimpin tanah ayer saya sa-hingga terchapai kemerdekaan-nya dengan tidak menitiskan darah walau sadikit pun.

Di-dalam negeri kami, Persekutuan Tanah Melayu, dengan penduduk-nya yang terdiri dari berbagai2 bangsa, kami mengerti, lebeh daripada orang2 di-tempat lain, bahawa asas chita2 hidup damai dan bahagia di-dunia ini ia-lah perasaan muhibbah, persaudaraan dan berbaik2 antara sa-sama manusia, dan hendak-nya hakikat ini di-sematkan betul2 di-dalam ingatan sa-siapa juga yang akan menyerahkani khidmat-nya di-masa2 yang akan datang kapada Malaya dan penduduk-nya sakalian.

Kapada penyusun buku ini saya ucapkan tahni'ah, sa-moga buah usaha-nya ini menchapai kejayaan.

TENGGU ABDUL RAHMAN PUTERA AL-HAJ

Kuala Lumpur,
Persekutuan Tanah Melayu.

PENDAHULUAN

Ini-lah cerita dari hal sa-orang putra di-raja Melayu yang telah mencheborkan diri-nya ka-dalam pergolakan politik tanah ayer-nya, hasil desakan dan tekanan dari teman2 dan penyokong2-nya. Beliau telah di-desak supaya memegang suatu tugas besar di-kala tidak ada sa-orang pun dari tokoh2 politik bangsa-nya ingin berbuat demikian. Tugas ini ia-lah presiden sa-buah parti politik kebangsaan Melayu yang sedang berkochak di-sebabkan oleh perselisihan yang timbul di-sekitar dasar perkauman.

Beliau-lah yang memupok kembali keyakinan mereka yang hampir hilang, menjelaskan kedudukan mereka dan menyusun kembali perjalanan parti itu sa-hingga jadi-lah ia sa-buah parti yang paling kuat dan berpengaruh di-negeri ini.

Sa-telah enam tahun beliau berada di-puchok pimpinan parti itu, Kerajaan British telah di-desak-nya supaya menyerahkan kekuasaan-nya di-negeri ini. Terchapai-lah akhir-nya kemerdekaan di-dalam lingkungan Commonwealth dan beliau telah di-pilih menjadi Perdana Menteri-nya yang pertama.

Kejayaan ini tidak ada tara-nya dalam sejarah demokrasi di-dunia bebas. Kejayaan-nya lebeh terserlah manakala di-tilek pada chorak hidup-nya sa-lama 45 tahun yang pertama ini kerana beliau maseh berhidup sederhana, sa-laku ra'ayat biasa.

Beliau berjaya menchapai kelulusan Bachelor of Arts di-Cambridge University, London dengan mendapat markah kelulusan yang paling rendah.

Berulang2 kali beliau gagal dalam ujian untok menchapai sijil ilmu undang2, kerana kechenderongan-nya lebeh tertumpu kapada lumba kuda, lumba anjing, dan tarian2 barat. Beliau

ulus hanya ketika berumur 4> tahun sa-telah menghabiskan masa sa-lama 25 tahun untok menjadi sa-orang peguam.

Sa-bagai Pegawai Daerah di-dalam negeri tempat ayahenda-nya berdaulat, beliau bukan-lah sa-orang pentadbir yang maha bijak, namun beliau amat di-kasehi oleh ra'ayat.

Watak-nya yang tersembunyi dan kejujoran-nya dalam melaksanakan tanggung jawab-nya ia-lah yang telah menjayakan beliau sa-bagai pemimpin suatu bangsa di-Tenggara Asia dan sa-orang negarawan yang terkemuka. Di-tekan oleh tanggung jawab dan tugas2-nya yang berat ini lahir-lah dengan sendiri-nya watak2 yang sa-mula jadi dan nilai peribadi-nya yang tersendiri.

Tokoh ini ia-lah Tengku Abdul Rahman Putra, putra Al-marhum Sultan negeri Kedah, dan hari ini menjadi Perdana Menteri Persekutuan Tanah Melayu yang merdeka. Namun demikian beliau maseh sederhana dan maseh suka merendah diri.

Beliau telah memegang pimpinan sa-buah parti politik, sa-bagai Presiden Pertubohan Kebangsaan Melayu Bersatu semenjak tahun 1951. Tetapi perlaksanaan yang terbesar sa-kali di-sisi-nya ia-lah perjuangan-nya merebut kuasa politik hingga terchapai kemerdekaan tanah ayer dengan tidak menggunakan kekerasan atau menimbulkan krisis dalam negeri sa-bagai yang biasa di-alami oleh negara2 Asia dan Afrika yang lain sa-belum dapat membebaskan diri masing2.

Terchapai-nya kemerdekaan negeri ini ia-lah barakat perhubungan baik dan simpulan tali persahabatan yang wujud di-antara Great Britain dan Malaya.

Tengku Abdul Rahman bukan-lah sa-orang pejuang politik yang berpedirian keras dengan pidato yang berapi2. Sifat yang sa-macham itu bertentangan dengan naluri dan watak-nya yang sa-mula jadi. Mungkin beliau-lah satu2-nya pejuang politik Timor yang lebeh mengutamakan daya persahabatan, pujukan dan dasar bertolak ansor untok menjayakan chita2-nya.

Beliau telah menggesa orang2 Melayu dan China, ia-itu dua bangsa yang terbesar di-Malaya supaya hidup berbaik2 dan bersatu dalam chita2 politik mereka. Di-terangkan-nya